



Regulamentu internu di u Cunsigliu Municipale 2020 - 2026

A Sunta

<u>CAPITULU I : URGANIZAZIONE DI E SEDUTE</u>	4
<u>ARTICULU 1 : PERIUDICITA DI E SEDUTE</u>	4
<u>ARTICULU 2 : CHJAMA</u>	4
<u>ARTICULU 3 : ORDINE DI U GHJORNU</u>	5
<u>ARTICULU 4 : ACCESSU A I CARTULARI</u>	5
<u>ARTICULU 5 : QUESTIONE SCRITTE E A BOCCA</u>	5
<u>CAPITULU II : CUMMISSIONE</u>	5
<u>ARTICULU 6 : CUMMISSIONE MUNICIPALE</u>	5
<u>ARTICULU 7 : FUNZIUNAMENTU DI E CUMMISSIONE MUNICIPALE</u>	6
<u>ARTICULU 8 : CUMMISSIONE CONSULTATIVE DI I SERVIZII PUBLICHI LUCALI</u>	6
<u>ARTICULU 9 : CUMMISSIONE DI CHJAMA A OFFERTE</u>	6
<u>CAPITULU III : TENUTA DI E SEDUTE DI U CUNSIGLIU MUNICIPALE</u>	6
<u>ARTICULU 10 : PRESIDENZA</u>	6
<u>ARTICULU 11 : QUORUM</u>	7
<u>ARTICULU 12 : MANDATI</u>	7
<u>ARTICULU 13 : SECRETARIATU DI SEDUTA</u>	7
<u>ARTICULU 14 : ACCESSU E TENUTA DI U PUBLICU</u>	8
<u>ARTICULU 15 : ARRIGISTRAMENTU DI I DIBATTITI</u>	8
<u>ARTICULU 16 : SEDUTA A USCIU CHJOSU</u>	8
<u>ARTICULU 17 : PULIZZA DI L'ASSEMBLEA</u>	8
<u>CAPITULU IV : DIBATTITI E VOTI DI E DELIBERAZIONE</u>	8
<u>ARTICULU 18 : SVULGIMENTU DI A SEDUTA</u>	9
<u>ARTICULU 19 : DIBATTITI SOLITI</u>	9
<u>ARTICULU 20 : DIBATTITI DI URIENTAZIONE PE U BILANCIU</u>	9
<u>ARTICULU 21 : SUSPESA DI SEDUTA</u>	10
<u>ARTICULU 22 : AMENDAMENTI</u>	10

<u>ARTICULU 23 : VOTI</u>	10
<u>ARTICULU 24 : CHJUSURA DI OGNI DISCURSATA</u>	11
<u>CAPITULU V : CONTURESI DI I DIBATTITI E DI E DECISIONE</u>	11
<u>ARTICULU 25 : PRUCCESSI VERBALI</u>	11
<u>ARTICULU 26 : CONTURESI</u>	11
<u>CAPITULU VI : DISPUSIZIONE DIVERSE</u>	11
<u>ARTICULU 27 : MESSA A DISPUSIZIONE DI I LUCALI PE I CUNSIGLIERI MUNICIPALI</u>	11
<u>ARTICULU 28 : BUGLITTINU D'INFURMAZIONE GENERALE</u>	12
<u>ARTICULU 29 : DESIGNAZIONE DI I DELEGATI INDE L'URGANISIMI FURAGNI</u>	12
<u>ARTICULU 30 : RITIRU DI UNA DELEGAZIONE A UN AGGIUNTU</u>	12
<u>ARTICULU 31 : MUDIFICA DI U REGULAMENTU</u>	12
<u>ARTICULU 32 : APPIECAZIONE DI U REGULAMENTU</u>	13

Regulamentu internu di u cunsigliu municipale

Capitolu I : Urganizazione di e sedute

Artìculu 1 : Periudicità di e sedute (articuli L. 2121-7 è L. 2121-9 di u CGCT)

U cunsigliu municipale s'adunisce omancu una volta à trimestru.

U calindariu di i cunsiglii municipali hè definitu di modu simestriale.

U cunsigliu municipale s'adunisce è deliberaghja inde a merria di a cumuna. Si pò ancu adunisce si è deliberà inde un antru locu cullucatu nantu à u territoriu di a cumuna, da u mumentu ch'è u locu ùn nughj micca à u principiu di neutralità, ch'ellu offri cundizione di accessibilità è di sicurezza necessarie è ch'ellu permetti di assicurà a publicità di e sedute.

U merre puderà adunisce u cunsigliu municipale ogni volta ch'ellu u pensa ùtile. Hè tenutu di cunvucà lu in un tempu massimu di trenta ghjorni quandu ch'è a dumanda motivata li vene fatta da u rapresentante di u Statu di u dipartimento o da u terzu (à u minimu) di i membri di u cunsigliu municipale in eserciziu. In casu di urgenza, u rapresentante di u Statu indè u dipartimento puderà accurtà u tempu previstu.

Artìculu 2 : Cunvucazione (articuli L. 2121-10, L. 2121-11 è L. 2121-12 alinea 2 di u CGCT)

Ogni cunvucazione vene fatta da u merre. Indetta e questione purtate à l'ordine di u ghjornu. Hè mintuvata à u registru di e deliberazione, affissate o publicate. Hè addirizzata per iscrittu, à u dumiciliu di i consiglieri municipali, almenu ch'elli avessinu fattu a scelta di un indirizzu altru.

A cunvucazione bislingua ammenta a data, l'ora è u locu di a riunione.

L'invii smaterializatu di e cunvucazione à i membri di u cunsigliu municipale è di e cummissione, à l'indirizzu elettronicu ch'elli volenu, serà presceltu. Ogni gruppu puliticu riceverà una versione furmatu carta.

U tempu di cunvucazione hè arretu à cinque ghjorni franchi. In casu di urgenza, u tempu pò esse accurtatu da u merre senza pudè esse inferiore à un ghjornu francu. Da l'apertura di a seduta di u cunsigliu municipale u merre ne renderà contu, ellu si pronunzia nantu à l'urgenza è puderà decide di u rinvii di a discursata, per tuttu o in parte, à l'ordine di u ghjornu di una seduta à vene.

Una nota spiegativa di sintesi nantu à l'affari sottumessi à deliberazione vene addirizzata cù a cunvucazione volta versu i membri di u cunsigliu municipale. S'è a deliberazione tocca à un cuntrattu di serviziu publicu, u prugettu di cuntrattu o di mercatu acumpagnatu da l'inseme di e pezze pò, à a

so dumanda, esse cunsultata in merria da tuttu u cunsigliu municipale in i cinque ghjorni nanzu à a seduta di u cunsigliu municipale.

Articulu 3 : Ordine di u ghjornu

U merre arrehje l'ordine di u ghjornu.

L'ordine di u ghjornu bislinguu hè ripruduttu nantu à a cunvucazione è purtatu à a cunniscenza di u pùblicu.

Articulu 4 : Accessu à i cartulari (articulu L. 2121-13 di u CGCT)

Ogni membre di u cunsigliu municipale pussede u dirittu, in u quattru di a so funzione, di esse infurmatu di l'affari di a cumuna ch'è facenu l'oggett di una deliberazione.

Assicureghja a cumuna a sparghjera di l'infurmazione rispettu à i so membri eletti fendu a scelta di un mezu smaterializatu.

Da permette u scambiu di l'infurmazione nantu à l'affari ch'è toccanu à e so competenze, a cumuna mette à a dispusizione di i so membri eletti, à titulu individuale, i mezi infurmàtichi necessari.

Durante i cinque ghjorni ch'è precedenu a seduta, ponu i consiglieri municipali cunsultà i cartulari in merria à l'ore apribile cù l'auturizzazione di u merre.

In ogni casu, issi cartulari seranu tenuti in seduta à a dispusizione di i membri di l'assemblea.

Ogni questione, dumanda di infurmazione complementaria o interventu di un membre di u cunsigliu municipale versu l'amministrazione comunale, si farà sottu à custodia di u merre o di l'aghjuntu in càrica di u cartulare, patti è cundizioni ch'ellu sia appiecatu l'articulu 2 alinea 5 qui sopra.

Articulu 5 : Questione scritte è à bocca (articulu L. 2121-19 di u CGCT)

I consiglieri municipali anu u dirittu di sponere in seduta di u cunsigliu questione à bocca o scritte ch'è toccanu à l'affari di a cumuna.

U scrittu di e quistione hè addirizzatu à u merre 48 ore prima di a seduta di u cunsigliu municipale è face l'oggett di un accusatu di ricezzione.

Durante a seduta, u merre o l'aghjuntu in càrica di u cartulare risponde à e questione poste da i consiglieri municipali. E quetione sò trattate à a fine di ogni seduta.

E questione sposte dopu à a spirazione di u tempu previstu veneranu trattate à a pròssima seduta.

In ogni ipòtesi, s'è l'oggett di a questione a dumandi, u merre pò sceglie di scrive la à l'ordine di u ghjornu di u cunsigliu municipale seguente, sia di modu direttu, sia dopu à a tramandera per esàmine à e cummissione permanente cuncernate.

CAPITULU II : Cummissione è cumitati cunsultativi

Articulu 6 : Cummissione municipale (articulu L. 2121-22 di u CGCT)

C'hè una cummissione unica. Cusì venenu scumpartute :

Pùlitica di a cità, alloghj, abiatu, tràfficu, pianificazione di i travagli, sviluppu di u territoriu, urbanisimu, suciale, cultura, patrimoniu, pulitica educativa, salute, giuventù, prima zitellina, demucrazia participativa ; sviluppu ecunòmicu, cummerciu, turisimu, cuuperazione, internaziunale,

animazione, dumanialità pùblica, Lingua Corsa, pulizza minicipale, finanze, programmazione, risolze umane, amministrazione generale, ccumanda pùblica, affari aurupei.

A cummissione indètta in u so senu un vice presidente è un rapurtadore. S'ellu ùn hè micca presente u merre, ellu chì hè presidente di dirittu, u vice presidente invita à e reunione, arreghje l'ordine di u ghjornu è assicureghja u svulgimentu bonu di i dibàttiti.

Articulu 7 : Funziunamentu di e cummissione municipale

Sò cumposte di 15 membri (for di u merre) chì 3 membri sò di u contrapartitu.

A cummissione ponu ascoltà ghjente qualificate bench'elli ùn fussinu micca eletti à u consighiu municipale.

Ogni cunsighlieru à a facultà di assiste, in a so qualità di auditore, à i travagli di ogni cummissione dopu avè ne infurmatu u so presidente trè ghjorni prima di a reunione.

A cummissione s'adunisce cù una convocazione di u vice presidente. Hè però tinutu di adunisce a cummissione riguardu à a dumanda di a maiurità di i so membri.

A convocazione, accompagnata da l'ordine di u ghjornu, vene indirizzata ad ogni cunsigliere in casa soia, trè ghjorni prima di a tenuta di a reunione fendu a scelta quand'ellu si pò di u modu smaterializatu.

E sedute di a cummissione ùn sò mica pùbliche, almenu ch'ella fussi pigliata a decisione da a maiurità di presenti membri.

Almenu ch'ellu ci fussi una decisione cuntraria di u merre, ogni affare sottumessu à u consighiu municipale duverà esse studiatu da una cummissione.

Un anu nisun putere di decisione a cummissione. Esamineghja l'affari chì li venenu sottumessi, dà u so parè è face pruposte.

Statuisce à a maiurità di i presenti membri. Un elettu si pò fà rapresentà da un cunsighlieru municipale di u so gruppu.

Elabureghja un contu resu cortu nantu à l'affari studiati. Issu raportu hè cumunicatu ad ogni membre di u consighiu municipale.

Articulu 8 : Cummissione consultative di i servizii pùblichì lucali (articulu L. 1413-1 di u CGCT)

U merre puderà piglià, per avisu, a cummissione di i prugetti chì puderia cuncerne la aldilà di e dispusizione previste da l'articulu L1413-1 di u Còdice generale di e cullettività territoriale.

Articulu 9 : Cummissione di chjama à offerte (articuli 22 è 23 di u CMP)

U regulamentu internu di a cummissione di chjama à offerte indetterà u zogliu secondu u gènneru di i mercati pùblichì chì feranu l'ogettu di una messa in manu di a cummissione in quà di i zogli legali.

CAPITULU III : Tenuta di e sedute di u consighiu municipale

Articulu 10 : Presidenza (articulu L. 2121-14 di u CGCT)

U consighiu municipale hè presidutu da u merre è, in mancanza di ellu da quellu chì u rimpiazza.

U presidente prucedde à l'apertura di e sedute, verificheghja u quorum, dà capu à i dibattiti, dà a parolla, strada l'uratori secondu l'affari chì vene sottumessu à u votu. Mette fine à e stanciate di seduta, mette à u votu e pruposte e deliberazione, conta i scutini, giudicheghja cù u secretariu di seduta e prove di u votu, ne pruclama i risultati, pronunzia l'arretta e a chjusura di e sedute dopu à u sfinimentu di l'ordine di u ghjornu.

Articulu 11 : Quorum (articulu L. 2121-17 di u CGCT)

U consighiu municipale deliberheghja quandu chì a maioria di i so membri hè accimata.

Sè, dopu à una prima convocazione chì vene fatta secondu à e disposizioni di l'articuli L. 2121-10 à L. 2121-12, u quorum ùn hè micca accimatu, u consighiu municipale serà convocatu di novu à trè ghjorni di spaziu. Deliberheghja tandu senza cundizione di quorum.

U quorum deve esse accimatu à l'apertura di a seduta ma dinù durante a messa in discursata di ogni questione sottumessa à a deliberazione. Cusì, sè un consiglieri municipale si tramuta durante a seduta, iss'ultima ùn puderà cuntinuà chè quandu u quorum ferma accimatu malgradu a partenza.

Sè u quorum ùn hè accimatu à l'occasione di l'esamine di un puntu di l'ordine di u ghjornu sottumessu à a deliberazione, u merre leva a seduta è rinvia a seguita di l'affari à una data altra.

I puteri dati da i consiglieri assenti ùn entrenu in contu nù u càculu di u quorum.

Articulu 12 : Mandati (articulu L. 2121-20 di u CGCT)

Un consiglieri municipale impeditu assiste à una seduta pò dà à un'antru consiglieri di a so scelta u putere scrittu di vutà à nome soiu. Un consiglieri municipale ùn puderà esse portadore di più chè di un votu. U putere hè sempre revocabile . Francu i casi di malattia accertata, ùn pò esse vevule per più di trè sedute di fila.

E deliberazione sò pigliate à a maioria assoluta di i voti sprimati.

Quandu ellu ci hè scumpartera uguale di i voti, almenu ch'ellu ci fussi u scutinu secretu, u votu di u presidente hè preputente.

U mandatariu rimette a delegazione di u votu o u mandatu à u presidente di seduta, à u più tardi, durnate a chjama di u nome di u consiglieri impeditu. A delegazione di u votu pò esse stabilita durante una seduta à a quale partecipeghja un consiglieri in l'òbligu di arritirassi prima di a fine di a seduta.

Da schisà ogni cuntruversa nantu à a partecipazione à u votu, i consiglieri municipali chì s'arritiranu di a sala di e deliberazione devenu fà cunnosce à u merre a so voglia o a so vultà di fassi rapresentà.

Articulu 13 : Secretariatu di seduta (articulu L. 2121-15 di u CGCT)

In principiu di ogni seduta, u consighiu municipale numineghja unu di i so membri per riempie e funzione di secretariu.

A issu secretariatu ci pò aghjunghje di l'ausiliarii, pigliati for di i so membri, chì assistenu à e sedute ma senza participà à e deliberazione.

U secretariu di seduta, chì hè un(a) elettu (a), assiste u merre per a verifica di u quorum e di a validità di i puteri, di a cuntestazione di i voti e di u svolgimentu bonu di i scutini. Dà capu à l'elaborazione di u pruceddu verbale di a seduta.

L'ausiliarii di seduta ùn piglianu a parolla quand'ella hè un invitu espressu di u merre e fermanu tenuti da un òbligu di riserva.

Articulu 14 : Accessu è tenuta di u pùblicu (articulu L. 2121-18 alinea 1mu di u CGCT)

Sò pùbliche e sedute di u cunsigliu municipale.

For di i membri di u cunsigliu municipale o di l'amministrazione municipale nimu ùn puderà entre indè l'accinta di u cunsigliu senza esse ne auturizatu da u presidente.

U pùblicu vene auturizatu à occupà i posti ch'li sò riservati inde a sala. Deve ripsettà un silenziu durante u tempu di a seduta. Hè pruibita ogni testimonianza di approvu o di disapprovu.

Un locu specificu serà riservatu à i raprisentanti di a stampa.

Articulu 15 : Arregistramentu di i dibàttiti (articulu L. 2121-18 alinea 3 di u CGCT)

I dibàttiti feranu l'ogettu di unu arregistramentu audiovisivu è audio, puderanu ancu esse ritrasmessi.

Articulu 16 : Seduta à usciu chjosu (articulu L. 2121-18 alinea 2 di u CGCT)

S'elli a dumandanu trè membri di u cunsigliu o puru u merre, u cunsigliu municipale pò decide, senza dibàttitu, à a maggioranza assoluta di i membri presenti o raprisentati, di adunisce si à usciu chjosu.

A decisione di tene una seduta à usciu chjosu vene pigliata da un votu pùblicu di u cunsigliu municipale.

Quand'ellu hè decisu da u cunsigliu municipale di adunisce si à usciu chjosu, u pùblicu è i raprisentanti di a stampa si devenu arritirà.

Articulu 17 : Pulizza di l'assemblea (articulu L. 2121-16 di u CGCT)

U merre hè u solu à assicurà a pulizza di l'assemblea.

Pò scaccià fora da l'auditoriu o arrestà ogni individuu ch'è nuci à l'ordine.

In casu di crimine o di delittu (propòsiti inghjulosi o diffamatorii...), u merre ne face u prucessu verbale è ne chjama sùbitu à u Procuratore di a Repubblica.

Tocca à u merre o à quellu ch'è u rimpiazza di fà rispettà u regulamentu presente.

CAPITULU IV : Dibattiti è voti di e deliberazione (articulu L. 2121-29 di u CGCT)

U cunsigliu municipale reguleghja cù e so deliberazione l'affari di a cumuna.

Dà u so parè ogni volta ch'ellu hè chersu da e legge è i regolamenti, o ch'ellu hè dumandatu da u raprisentante di u Statu inde u dipartimento.

Quandu u cunsigliu municipale, richiestu è convucatu di modu regolare, ricusa o negligenteghja di dà u so parè, puderanu fà senza.

U cunsigliu municipale emette augurii nantu à ogni ogettu di interessu locale.

Articulu 18 : Svolgimentu di a seduta

À l'apertura di a seduta, u merre prucedu à a chjama di i consiglieri, custata u quorum è pruclama a validità di a seduta sè iss'ultimu vene accimatu, mintuveghja i puteri ricevuti. Face aggradi u prucessu verbale di a seduta passata è piglia nota di e mudifiche pussibile.

Chjama dopu u merre à l'affari scritti à l'ordine di u ghjornu ; sò l'unichi à pudè fà l'ogettu di una deliberazione.

Pò dinù prupone à u consighiu municipale « diverse questione », chì ùn rivestenu micca sempre un'impurtanza capitale. Sè una di isse dumande deve fà l'ogettu di una deliberazione, duverà esse scritta à l'ordine di u ghjornu di a pròssima seduta di u consighiu municipale.

Chjama dopu u merre à l'affari scritti à l'ordine di u ghjornu.

Sottumette à l'accunsentu di u consighiu municipale i punti detti urgenti (serenu à u massimu 2) chì ùn rivestenu micca un'impurtanza capitale è ch'ellu prupone di aghjunghje à l'esamine di u consighiu municipale di u ghjornu.

Accorda a parolla subbitu u merre à chì hà una reclamazione relativa à l'ordine di u ghjornu.

Dumanda à u consighiu municipale di numinà u secretariu di seduta.

Rende contu u merre di e decisione ch'ellu à pigliatu rispettu à a delegazione di u consighiu municipale, in cunfurmità cù e dispusizione di l'articulu L.2122-23 di u Còdice generale di e cullettività territoriale.

Accampa dopu, altri punti chì sò à l'ordine di u ghjornu cum'è quelli chì sò stati definiti in principiu di seduta.

Ogni affare face l'ogettu di un riassunta cortu fattu da i rapurtadori designati da u merre. Issa presentazione pò esse preceduta o seguitata da un interventu di u merre è da un avisu di u rapurtadore di a cummissione.

Articulu 19 : Sòliti dibattiti

Vene accurdada a parolla da u merre à i membri di u consighiu municipale chì ne facenu a dumanda. Nisun membre di u consighiu municipale ùn puderà piglià a parolla senza l'accunsentu di u presidente.

I membri di u consighiu municipale piglianu a parolla secondu l'ordine cronològicu di a so dumanda.

Quandu chì un membre di u consighiu municipale si scanta da a questione trattata o ch'ellu nuce à u svolgimentu bonu di a seduta cù interruzione o attachi persunali, li ne pò esse arritirata a parolla.

Articulu 20 : Dibattitu di urientazione per u bilanci (articulu L. 2312-1 di u CGCT)

U dibattitu annuale à u consighiu municipale porta nantu à l'orientazione generale per u bilanci di l'eserciziu è nantu à l'ingaggiamenti plurianninchi previsti è nantu à l'evoluzione è e caratteristiche di l'indebitera di a cumuna, si tene inde un tempu dui mesi chì precedenu l'esamine di ss'ultimu.

U dibattitu di urientazione per u bilanci si tene durante una seduta urdinaria dopu à a scrizzione à l'ordine di u ghjornu. Sbocca nantu à una deliberazione è hè arrigistratu à u prucessu verbale di a seduta.

Inde e cumune di più di 10 000 abitanti, i dipartimenti è e regione, purterà dinù nantu à a struttura è l'evoluzione di l'effettivi è di i principali posti di spese.

Ogni convucazione hè accumpagnata da un raportu chì preciseghja, pè natura, l'evoluzione di e ricette è di e spese di funziunamentu, e masse di ricette è di e spese d'investimentu ma dinù e priurità è l'evoluzione di a situazione finanziaria di a cullettività.

Articulu 21 : Suspensa di seduta

A suspesa di seduta vene decisa da u presidente di seduta. U presidente pò mette à i voti ogni dumanda chì vene da un cunsigliere o da un gruppu.

Rivene à u presidente di arrehje u tempu di e suspese di seduta.

Articulu 22 : Amendamenti

L'amendamenti ponu esse pruposti nantu à ogni affare sottumessu à u cunsigliu municipale.

Devenu esse presentati per iscrittu à u merre 48 ore nanzu à u cunsigliu municipale.

U cunsigliu municipale decide sè l'amendamenti sò messi in deliberazione, righjettati o rinviati à a cummissione cumpetente.

Articulu 23 : Voti (articulu L. 2121-20 di u CGCT)

Sò pigliate e deliberazione à a maggioranza assoluta di i voti sprimati.

Quando ci hè scumpartera ugule di i voti è francu u casu scutinu secretu, u votu di u presidente hè preputente.

Hè vutatu di modi secretu :

- ✓ Sia quandu un terzu di i membri prisenti a dumandanu;
- ✓ Sia quandu ci vole à prucedu à una numinazione o à una presentazione.

In quessi dui casi, sè dopu à i dui giri à votu secretu nisunu di i candidati hà ottenutu a maggioranza assoluta, si prucedu à un terzu giru di scutinu è l'elezzione si svolge à a maggioranza relativa ; à ugualità di i voti, l'elezzione hè acquista da u più anzianu.

Pò decide u cunsigliu municipale, à l'unanimità, di ùn prucedu micca à u votu secretu à e numinazione o à e presentazione, franca dispusizione legislativa o regulamentaria chì prevede senz 'altu issu modu di scutinu.

Sè una candidatura sola vene sposta ad ogni postu à prucedu in grembiu à e cummissione municipale o inde l'organismi furagni, o sè una lista sola hè stata presentata dopu à a chjama à candidature, piglianu e numinazione un effettu subitanu, inde l'ordine di a lista, è ne serà datu lettura da u merre.

I buglittini o voti nulli è l'astensione ùn sò mica cuntabilizati.

U cunsigliu municipale vota in trè manera, à manu pisatu, à votu pùblicu cù a chjama numinale o à votu secretu.

U modu urdinariu di votu hè u votu à manu pisatu. Hè custattatu da u presidente è u secretariu chì contanu u nùmeru di i vutanti à prò è u nùmeru di i vutanti chì vòtanu contru.

U votu di u contu amministrativu presentatu ogni annu da u merre intervene nanzu à u 30 di ghjugnu di l'annu dopu à l'eserciziu. U merre s'arritira durante u votu.

Vene arrettu u contu amministrativu sè una maggioranza di i voti ùn s'hè micca sbagliata contru à a so aduzione.

Articulu 24 : Chiusura di ogni discursata

Piglianu a parola i membri di u consiglio municipale seguitendu l'ordine arrettu da u presidente di seduta.

Appartene à u presidente di seduta solu di sugillà i dibattiti.

CAPITULU V : Conturesi di i dibattiti è di e decisione

Articulu 25 : Prucessi verbali (articulu L. 2121-23 di u CGCT)

Sò scritte e deliberazione secondu un ordine di data.

Venenu firmate da ogni partecipante presente à a seduta, induve hè fattu ammentu di a ragione ch'è l'hà impediti di firmà.

E sedute pubbliche di u consiglio municipale venenu arristrate è sbocanu nantu à u prucessu verbale di a soma di i dibattiti di modu sinteticu.

Tempu stabilitu, issu prucessu verbale hè messu à disposizione di i membri di u consiglio municipale.

Ogni prucessu verbale di seduta hè messu à i voti per aduzione à a seduta ch'è prosegue à u so stabilimentu.

I membri di u consiglio municipale ùn puderanu intervine à st'occasione chè per purtà una rettifica à u prucessu verbale. A rettifica pussibile hè arristrata inde u prucessu verbale à vene.

Articulu 26 : Contu resi (articulu L. 2121-25 di u CGCT)

U contu resu cortu di a seduta vene affissatu è publicatu nantu à u situ di a nostra cullettività ottu ghjorni dopu à a seduta inde l'accoglienza di a meria.

Face cumparisce u sensu di e decisione pigliate da u consiglio.

Hè tenutu à disposizione di i consiglieri municipali, di a stampa è di u publicu.

CAPITULU VI : Disposizione diverse

Articulu 27 : Messa à disposizione di i locali à i consiglieri municipali (articuli L. 2121-27 è D2121-12 di u CGCT)

I consiglieri ch'è ùn facenu micca parte di a maggioranza municipale è ch'è ne facenu a dumanda ponu disporre di gràtis di un locale amministrativu permanente.

In cunfurmità cù a volontà di u legislatore, a destinazione di u locale hè di permette à i consiglieri municipali ch'è ne godenu u benefiziu di appuntà e riunione di u consiglio municipale è deliberà trà di elli di e sfarente questione ch'è interessanu a Cumuna.

A scumpartera di u tempu d'occupazione di u locale amministrativu messu à a dispusizione di i cunsiglieri minuritari trà i sfarenti gruppi hè fissata cù un accordu cumunu.

Senza accordu, u merre prucedu à a scumpartera secondu à l'impurtanza di i gruppi.

U locale vene cullucatu in Merria di Bastia -Av Pierre Giudicelli-20410 Bastia

Articulu 28 : Buglittinu di infurmazione generale (articulu L. 2121-27-1 di u CGCT)

Un spaziu hè riservatu à a spreSSIONe di i cunsiglieri di a maiurità municipale è à quelli chì ùn appartenenu micca à a maiurità municipale nantu à u buglittinu perìodicu è nantu à u situ di a Ctà.

Issu spaziu vene cunsacratu à a spreSSIONe libera nantu à l'affari cumunali.

A maiurità è u contrapartitu municipale disponenu tutt'ognunu di un postu definitu à u percentuale di a so raprisentazione in grembiu à u cunsigliu municipale.

A maiurità è u contrapartitu si spartenu à modu soiu, trà i gruppi chì i cumponenu, l'adopru di u spaziu chì li vene datu. In casu chì l'accordu ùn venerà truvatu, ogni gruppu si vede garantisce un spaziu di spreSSIONe calculatu secondu a so raprisentazione in grembiu à u cunsigliu municipale.

Articulu 29 : Designazione di i delegati inde l'organismi furagni (articulu L. 2121-33 di u CGCT)

U cunsigliu municipale prucedu à a designazione di i so membri o di i delegati per sedià in grembiu à organismi furagni inde i casi e cundizione previsti da e dispusizione di u Còdice generale di e cullettività territoriale è di i testi chì regenu issi organismi. U fissamentu da issi testi di a durata di e funzione assignate à issi membri o delegati ùn face micca intoppu à ch'ellu possi esse prucedutu senz'altru, è per u restu di a durata, à u so rimpiazzamentu da una designazione nova uperata inde e forme e listesse.

Articulu 30 : Ritiri di una delegazione à un aghjuntu (articulu L. 2122-18 alinea 3 di u CGCT)

Quandu chì u merre arritira e delegazione ch'ellu avia date à un aghjuntu, u cunsigliu municipale si deve pronunzià nantu à u mantenimentu di ellu inde e so funzione.

Un aghjuntu, privu di delegazione da u merre è micca mantenutu inde e so funzione di aghjuntu (ufficiale di u statu civile è ufficiale di pulizza ghjudiziaria) da u cunsigliu municipale, torna à diventà un sèmplice cunsigliere municipale.

Issu novu aghjuntu à pena elettu piglierà piazza à l'ultima rangata inde l'ordine di l'aghjunti, è ognunu di l'altri aghjunti ricculerà di una rangata. Ma u cunsigliu municipale puderà derugà à issu principiu è decide chè inde l'ordine di u tavuellu, issu novu aghjuntu occuperà a listessa rangata ch'è u so predecessore.

Articulu 31 : Mudifica di u regulamentu

U presente regulamentu pò fà l'oggettu di mudifiche seconde a dumanda è nantu à una pruposta di u merre o di un terzu di i membri in eserciziu in l'assemblea comunale.

Articulu 32 : Appiecazione di u regulamentu

U regulamentu presente hè da appiecà à parte da u cunsigliu municipale di u 13 di lugliu di u 2022.